

Luondu, čázádagat ja biras

Deanu erenoamáš luonddubiras galgá hálddašuvvot nu ahte boahdá sihke otná ja boahhtevaš buolvvaide buorin. Min biraspolitihkka galgá sihke báikkálaš bellid vuhtii váldit ja bargat dan ovdii ahte mii joksat globála dálkkádatmihtomeriid.

Vejolašvuohta meahcástit, bivdit, sáivačáziin guolástit ja vuoiñastit luonddus lea deatalaš oassi deatnulaččaid kultuvrras ja eallinkvalitehtas. Álbmogis galget leat valjit vázzinbálgát, čuoiganláhttut, guolástanbáikkat ja gálašansajit deatnogáttis. Luondduvaljjivuodaid návddašeapmi olggobealde čoaqqebáikkiid dahká dárbbaslažžan geavahit mohtorfievrruid. Diekkár johtolat galgá leat lobálaš, muhto čadahuuvvot dárkkistuvvon vuogiid mielde ja nu ahte unnimus lági mielde vahágahtta luonddu ja birrasa.

Deanu luossamáddodat lea hui mávssolaš riggodat ássama, ealáhusovdáneami, báikkálaš kultuvrra ja buori loaktima ovddideapmái. Deatnu lea okta dain maŋemus čázádagain Norggas gos luossabivdu lea sihke ealáhussan ja addá borramuša sihke báikki olbmuid ja gussiide; go lea johka gos buohkain lea vejolašvuohta bivdit, beroškeahtta dietnasis. Jus lea dárbu reguleret, de fertejit báikkálaš bivdit vuoruhuvvot. Luossa ferte hálddašuvvot ceavzilis vuogi mielde vai dat deatalaš riggodat sihkkarastuvvot maiddá boahhtevaš buolvvaide. Báikkálaš beroštumit ja kultuvra galget vuhtii váldojuvvot, hálddašeami bokte mas maiddá árbedieđut luosa ja luossabivddu birra leat vuodđun. Deanu BB ii dohkket rievttálaš badjelduolbmamiid eiseváldiid bealis, nu go vásiheimmet ođđaseamos Deanu-soahpamuša ásaheami oktavuodas. Dalle doalahuvvojde báikkálaš riekteomasteaddjit áibbas olggobealde loahpalaš šiehtadallamiid.

Mii áigut:

- Bargat dan ovdii ahte skohterláhttut, bievlavuodjinláhttut, vázzinbálgát ja čuoiganláhttut merkejuvvojit buorebut
- Ahte guovddáš eiseválddit fertejit dohkkehit ahte Deanu-čázádaga guolástushálddašeaddji (TF) lea dat orgána mii hálddaša luosa ja luossabivddi Deanu-čázádagas, ja ahte maiddá árbedieđu ferte leat mielde dán hálddašeami diehtovuodas
- Čavget barggu mii eastada ahte guolledávddat, fysalaš sisabahkkemat dahje nuoskkideapmi headjudit birasdilálašvuodaid Deanujogas
- Ahte báikkálaš árbevierut meahcásteami ja goahteceggema oktavuodas váldojuvvojit vuhtii gielladalaš proseassain
- Ahte luossaguovddáš Joddu šaddá Deanu-čázádaga rikkis luossabivdoárbevieruid čájáhusguovddázin

Deanu giella bargoadin

Gieldda bálvalusdoaimmas leat buot deatneamos resursan dat olbmot geat doppe barget. Boahhtevaš jagiid šaddá garra gilvu háhkat doarvái bargiid. Ollesáiggevirggit ja fásta virggit leat áibbas dárbbaslaččat vai mii nagodat háhkat doarvái bargiid geain lea rievttis gelbbolašvuohta. Mii áigut golmma bealálačča ovttasbarggu bokte doalahit buohcanjávkkama unnin. Mii háliidat dakkár vuoiñga gos álo jurddašuvvo buorideami ja ođasmahttima guvlu.

Mii áigut:

- Lágidit dilálašvuodaid dasa ahte bargit ožžot duohta vejolašvuoda buoridit gieldda bálvalusaid
- Addit bargiide vejolašvuoda váldit lassi- ja viidásetoahpu
- Ahte mihtomearrin galgá leat ahte Deanu gielddas leat guhitta oahpahallisaji
- Lágidit hárjehallansajiid oahpuide mat leat relevánttat min gildii

Dát lea oanehis oassi bellodaga prográmmas.

Sáhtát olles prográmma lohkat min neahttasiiddus tana.arbeiderpartiet.no.

Jienas Bargiiddellodaga!



Arbeiderpartiet



DÁN ÁIGU DEANU BARGIIDBELLODAT BARGAT 2019-2023!

Deatnu - ovddideaddji servodat

Deanu Bargiidbellodaga deataleamos doaibman boahttevaš jagiid lea lágidity dilálašvuodaid min gieldda nanosmuvvamii ja ovdáneapmái, ássiidlogu doala-heapmái ja lágidity dilálašvuodaid dasa ahte mánnábearrašat ja nuorra olbmot válljejit ássat min suohkanis.

Min váldoáššit:

- Ásahit ođđa bargosajiid maid vuodđun lea borramuš ja vásáhusat, ja maidda Deanu Šaldi galgá doaibmat guovddáš sadijn
- Oadjebas ja buorre skuvlabiras mii ovddida buori loaktima, lihkostuvvama ja oahppama
- Lágidity dilálašvuodaid eambo rumašlaš doaimmaide ja eambo kulturfálaldagaide

Vuosttaš doaibma: Háhkát ođđa bargosajiid

Deanu Bargiidbellodat áigu čadahit aktiiva ealáhuspolitihka, ja lágidity dilálašvuodaid ođđa bargosa-jiid ásaheapmái miehtá gieldda. Gieldda valjis luondduriggodagat galget ávkástallojuvvot dainna áigumušain ahte eanemus lági mielde árvoháhkán boahťa báikkálaččat ávkin, addet gánnáhahtti bargosajiid ja ealli báikkálaš servodaga. Mii áigut erenoamážit bidjat návccaid dohko gos leat erenoamáš buorit vejolašvuodát lihkostuvvat. Mii áigut ovdánahttit ođđa ealáhusaid ja fitnodagaid seammás go atnit árvvus dan mii dahká Deanu erenoamážin: báikkálaš olbmuid vejolašvuohta bivdit, guolástit ja vásihit čáppa luonddu, ja eallit iežaset dábálaš eallima almmá hušaid haga, eallit eallima gos lea sadi ja áigi maiddái eará vásáhu-saide go dušše barggu ja geatnegasvuodaid fuolahit.

Mii áigut:

- Lagas ovttasbarggus fitnodagaiguin ovdánahttit Detnui dakkár fálaldagaid maid mátkkošteaddjit dihtomielaččat vulget vásihit
- Bidjat sierra návccaid kulturealáhusaid ovdánahttimii
- Ovddalgihtii juo reguleret Deanu Šaldái huksensajiid ealáhusdoaimmaide ja ássanviesuide
- Dahkat álkibun oažžut huksensaji olggobealde guovddášgili ja ovdalaš ássanguovlluid
- Bargat ásahtit vázzin- ja sihkkelbálgá Deanu Šaldis Skiippagurrii
- Bargat dan ovdii ahte fylkkageaidnu 98 Ráttovuonas Deanodahkii gárvvistuvvo
- Joatkit barggu govdebádderpmádaga buoridemiin min gielddas
- Váimmolaččat sávvat fitnodatálggaheddjiide bures boahtima!
- Márkanfievrridit Deanu fitnodatásahanbáikin.
- Ahte dálá báktedoaimma Deanus sáhtášii ovdánit ovttasráđiid gielddain, boazodoaluin ja eará luonddugeavaheddjiiguin
- Bisuhit mielkebuvttadeami Deanus unnimusat seamma dásis go odne lea
- Čadahit báikkálaš eananodastusa dan várás ahte láigoeatnamiid oassi unnošii
- Lasihit várrejumiid vuodđoealáhusfondii
- Doalahit boraspireloguid čavga
- Bargat dan ovdii ahte rabas joavkkus lea doarvái vuodđu háhkát eari mii addá birgenlági guolástusealáhusas
- Bisuhit mearraluossabivddu dakkár dásis ahte dat ain sáhtta leat oassin báikkálaš olbmuid ealáhusvuodus
- Ahte boahhtevaš reahkabivdu sáhtta čadahuvvot meardebivdun teine

Skuvla ja bajásšaddan

Min mánat ja nuorat lea Deanu boahtteáigi. Buorre bajásšaddan lea min boahtteáiggi deataleamos vuodđu. Danne lea min mihttu ahte mánáid ja nuoraid beaivválaš eallin mánáidgárddis, skuvllas ja astoáiggedoaimmain galgá hukset oadjebasvuodá, lihkostuvvandovdu ja gullevašvuodá Detnui. Min mánáin ja nuorain galgá leat oadjebas ja buorre bajásšaddan- ja oahppanbiras. Bargiidbelloda-ga mihttomearri lea ahte buohkat geat gerget Deanu vuodđoskuvllas, maiddái čadahit joatkkasku-vlla. Dasa láhčit mii vuodđu mánáidgárddis ja vuodđoskuvllas.

Mii áigut:

- Oažžut áigái gelbbolašvuodá- ja rekrutterenplána mánáidgárde- ja skuvlabargiid várás
- Eastadit givssideami
- Bargat dan ovdii ahte nubbingielloahppit šaddet sámejelaajn
- Joatkit giliskuvllaid jus fal lea ekonomalaččat ja fágalaččat bealuštahtti, ja jus leat doarvái oahppit
- Bisuhit ja ovdánahttit Deanu joatkkaskuvlla ja LOSA
- Oččodit eambo lagasbirasrusttegiid, duhkoraddanšiljuid ja spábbačiekčangárddiid
- Doarjut nuoraidráđi

Kultuvra ja valáštallan

Searvan kultur- ja valáštallandoaimmaide hukse lihkostuvvan- ja oktavuodadovdu.

Mii áigut:

- Sihkkarastit buriid fálaldagaid kulturskuvllas ja nuoraidklubbas
- Addit valáštallamii buriid eavttuid
- Nannet Sámi Mánáid Teáhtera
- Lágidity dilálašvuodaid girjás kultur- ja hárhellanfálaldagaide vuorraseappuide
- Movttiidahttit eaktodáhtolaš doaimmaid vuorraseappuid gaskkas ja sin várás
- Lágidity dilálašvuodaid dasa ahte vuorrasiidráđđi ja vuorrasiidorganisašuvnnat ožžot buriid bargodilálašvuodaid
- Bargat dan ovdii ahte dingonsáhttu (Flexx) bisuhuvvo ja ovdánahttojuvvu

Dearvvašvuohta ja fuolahus

Bargiidbellodaga mihttomearri lea servodat mii ovddida buori dearvvašvuohta buohkaide, eastada buozanvuodaid, dásse sosiála erohusaid ja addá buot mánáide ja nuoraide buori vuodđu eallimii.

Mii áigut:

- Sihkkarastit buori skuvladearvvašvuodabálvalusa
- Nannet psyhkalaš dearvvašvuodafálaldaga, erenoamážit nuoraid várás
- Oažžut áigái gelbbolašvuodá- ja rekrutterenplána dikšo- ja fuolahussuorgái, ja čielggadit vejolašvuodá buoridity vuodđobargoveaga dearvvašvuodá- ja fuolahussuorggis
- Sihkkarastit ahte mis lea demeansakoordináhtor
- Bargat dan ovdii ahte nannet beaiveaktivitehtafálaldaga ruovttus orru vuorasiidda ja gárrenmirkkuide darvában olbmuide
- Bargat dan ovdii ahte nannet ja ovdánahttit DPS Deanus